

II - ARABAKO LURRALDE HISTORIKOAREN TOKI ADMINISTRAZIOA

ASPARRENEKO UDALA

Euskara ikasteko 2021eko laguntza deialdia

Asparreneko udalbatzak, 2020ko apirilaren 8an egindako ohiko osoko bilkuran, onetsi zituen euskara ikasteko norbanakoentzako laguntzen deialdia arautzen duten oinarriak.

Bat etorritz Dirulaguntzen Lege Orokorrak 9. artikuluan xedatutakoarekin, argitaratu egiten dira oinarri horiek, denek jakin dezaten eta interesdunek eskaerak aurkez ditzaten.

EUSKARA IKASTEKO DIRULAGUNTZAK EMATEKO 2021EKO OINARRIAK

Deialdi honen xedea da norbanakoentzako laguntzak ematea euskara ikasteko.

Deialdiaren arauak dira: oinarri hauek eta dagokien udal ordenantza, Dirulaguntzen azaroaren 17ko 38/2003 Lege Orokorra, uztailaren 21eko 887/2006 Errege Dekretua eta Asparreneko Udalaren dirulaguntzen plan estrategikoa.

Oinarri hauek aipatzen dituzten dirulaguntzak printzipio hauen arabera kudeatuko dira: publizitatea, gardentasuna, norgehiagoka, objektibotasuna, berdintasuna eta diskriminaziorik eza, eta, orobat, efikazia, helburuak lortzeko orduan, eta efizientzia, baliabide publikoak esleitu eta erabiltzeko orduan.

1. artikulua. Deialdiaren xedea eta helburua

Oinarri hauetan arautzen diren dirulaguntzen xedea da euskara ikastaroak eginez euskara ikasi nahi duten norbanakoentzako laguntzak ematea.

2. artikulua. Pertsona eta erakunde onuradunak

1. Laguntzen pertsona eta erakunde onuradun izango dira ikastaro hasieran zein amaieran Asparreneko udalerrian erroldatuta dauden pertsona fisikoak, gainera betekizun hauek betetzen badituzte:

- a) Izena ematean 16 urte beteta edukitzea.
- b) Helduen Alfabetatze eta Berreuskalduntzerako Erakundeak (HABE) onartutako ikastegi eta ikastaroren batean matrikulatuta egotea.
- c) Barnetegiren batean ikasiz gero, aurreko betekizuna betetzea. Edonola ere, ikastaroetarako baino ez da emango dirulaguntza. Ostatua eta mantenua ikasleak ordainduko ditu.
- d) Hautatutako ikastaroa helduak euskaldundu edo alfabetatzeko curriculumaren maila baten parekoa izan behar da gutxienez.
- e) Bermatu beharko da ikastaroan eman diren orduen ehuneko 80 jaso direla gutxienez edo normalkuntzako teknikariaren ziurtagiria aurkeztu beharko da, ikastaroaren errendimendua egokia izan dela egiaztatzeko.
- f) Euskara ikasteko beste dirulaguntzaren bat (Merkataritza Ganbera, HABE...) eskatzea, horretarako aukera izanez gero.

2. Ez dira onuradun izango Dirulaguntzen azaroaren 17ko 38/2003 Lege Orokorren 13.2 eta 13.3 artikuluetan jasotzen diren egoeraren batean daudenak.

3. artikulua. Aurrekontuko zuzkidura

2021erako aurrekontu zuzkidura 3.000 eurokoa da, eta aurrekontu aplikazioa 335.480.001.

Udalaren laguntza hauek bateragarriak dira pertsona onuradunek jaso ditzaketen beste batzuekin; hala ere, udalaren laguntzaren zenbatekoa ezin da izan, bakarrik nahiz beste dirulaguntza edo laguntza batzuekin batera, egindako jardueraren defizitaren kostua baino handiagoa.

HABEren dirulaguntzak egindako azken bi ikastaroetarako izan daitezkeenez, udal laguntzak atzera begirakoak izango dira, eta, gainfinantzaketarik gertatuz gero, Udalak aurreko urteetako laguntza itzultzeko eskatu ahal izango du.

4. artikulua. Dirulaguntzen zenbatekoa eta horiek emateko irizpideak

a) Eskatzailea langabezian badago edo ikasketa ofizialak egiten ari bada eta 25 urte baino gutxiago baditu, matrikularen zenbateko osoa jasoko du, baldin eta araudian ezarrita dagoen gehienezko zenbatekoa baino handiagoa ez bada. Handiagoa bada, ezarritako gehienezko zenbatekoa jasoko du.

Langile bat lanaldi partzialerako kontratatuta badago, eta bere lanaldia lanaldi osoaren (astean 40 ordu) ehuneko 40 baino gutxiago bada edo langabezian egon bada ikastaroaren iraupenaren ehuneko 60an, langabetutzat hartuko da. Ehuneko horiek gainditzen baditu, langile aktibotzat joko da.

b) Gainerako kasuetan, matrikula osoaren ehuneko 75 ordainduko zaio eskatzaileari, zenbatekoa araudian ezarrita dagoen gehienezko zenbatekoa baino handiagoa ez bada.

c) Dirulaguntzaren gehienezko zenbatekoa:

a. Ikastaro arruntak (2-3 ordu eguneko) eta online ikastaroak: 600 euro ikasturteko (urria-iraila).

b. Barnetegiak eta ikastaro trinkoak (gutxienez 5 ordu eguneko): 950 euro ikasturteko (urria-iraila).

c. Eskatzaileak beste erakunderen baten laguntza jasotzen badu eta laguntza hori araudi honek xedatutakoa baino gutxiago bada, Asparreneko Udalak aldea ordainduko du.

Norbanakoentzako laguntzen muga dagokion aurrekontu aplikazioan jasotakoa izango da eta kontuan izango da, bereziki, beste erakunde edo organismoen laguntzarik jaso den.

5. artikulua. Aurkeztu beharreko agiriak

Eskatzaileek ondoren zerrendatzen diren agiriak aurkeztu behar dituzte:

a) Eskaera orria

b) Euskaltegiaren agiria, ikastaroaren ezaugarriak (hasiera eta amaiera egunak, asistentziari buruzko datuak, aprobetxamendua...) jasotzen dituen

c) Langabezian egonez gero, egoera horretan egon den aldia egiaztatzen duen agiria. Ikasketa ofizialak egiten arituz gero, ikastetxearen egiaztagiria. Kontratua lanaldiaren ehuneko 40 baino gutxiagokoa bada, hori egiaztatzen duen lan bitzitza.

d) Beste erakunde batzuek emandako laguntzen zenbatekoa egiaztatzen duen agiria. Edo beste laguntza batzuk eskatu izanaren egiaztagiria.

e) Eskatzailea Gizarte Segurantzako betebeharretan eta zerga betebeharretan egunean dagoela egiaztatzen duen ziurtagiria; halakorik ezean, zerga betebeharretan egunean egotearen zinpeko adierazpena aurkeztu behar da. Beharrezko iritziz gero, ziurtagiri horiek eskatu ahalko zaizkio eskatzaileari.

f) Matrikularen ordainagiria

6. artikulua. Eskaerak aurkezteko epea:

Aurkezteko epea urriaren 31n bukatuko da. Egun horren ostean aurkezten diren eskaerak hurrengo ekitaldiko aurrekontuan sartuko dira.

Agiriak Asparreneko Udalaren sarrera erregistro orokorrean aurkeztu behar dira, edo legez onartuta edozein bide erabiliz.

Eskaerak baldintza guztiak betetzen ez baditu, pertsona edo erakunde interesdunari eskatuko zaio zuzen dezala, 10 egun balioduneko epean, bat etorritz Administrazio Publikoen Administrazio Prozedura Erkidearen urriaren 1eko 39/2015 Legeak 68.1 artikuluan xedatutakoarekin.

7. artikulua. Dirulaguntzak emateko eta ebazteko prozedura

Normalkuntza teknikariak txostena egingo du laguntza eskaeren gainean eta organo eskudunak emango du dagokion ebazpena, eskaerak aurkezteko epea bukatu eta bi hilabeteko epean, beranduenik. Epe horretan esanbidezko ebazpenik ematen ez bada, esan nahiko du eskaera ezetsi egin dela.

Ebazpenean, baiezkoa bada, datu hauek agertuko dira: dirulaguntzaren zenbatekoa, ordaintzeko era, aurkeztu beharreko agiriak eta zein baldintzatan ematen den; gainera, onuradunei jakinaraziko zaie, indarrean dagoen legerian jasotakoaren arabera.

Dirulaguntza eman edo ezesteko ebazpena indarrean dagoen legerian xedatutakoaren arabera jakinaraziko zaie eskatzaileei.

8. artikulua. Dirulaguntzak ordaintzea

Behin pertsona edo entitate interesatuei jakinarazita behin betiko ebazpen proposamena, 30 eguneko epean ordainduko da dirulaguntzaren ehuneko 100, behin betiko ebazpena jakinarazi eta gero.

Onuradunek oinarri hauetan jasotako betebeharrak eta zehaztapenak ez betetzeak dirulaguntza baliogabetzea ekar dezake, eta emandako dirulaguntza itzultzeko prozedura aplikatuko da, Asparreneko Udalaren dirulaguntzen ordenantzan araututakoaren arabera.

9. artikulua. Aplikatu beharreko arautegia

Oinarri hauetan jaso ez denerako, hauek aplikatuko dira: Administrazio Publikoen Administrazio Prozedura Erkidearen urriaren 1eko 39/2015 Legea, Dirulaguntzen azaroaren 17ko 38/2003 Lege Orokorra, uztailearen 21eko 887/2006 Errege Dekretua, dirulaguntzen udal ordenantza eta aplikatzekoak diren gainerako arauak.

Deialdi honen aurka administrazioarekiko auzi errekurtsua aurkeztu ahal izango da, zuzenean, Gasteizko epaitegietan, bi hilabeteko epean, ALHAOn argitaratu eta hurrengo egunetik aurrera; bestela, aukerako berraztertze errekurtsua aurkez dakioke erabakia hartu duen organoari berari, hilabeteko epean, ALHAOn argitaratu eta hurrengo egunetik aurrera.

10. artikulua. Datu pertsonalen babesa

Dirulaguntza eskatzen duten pertsona eta erakunde guztiek konpromisoa hartzen dute honako hauek betetzeko: datu pertsonalak babesteko eta eskubide digitalak bermatzeko abenduaren 5eko 3/2018 Lege Organikoa eta 2016/679 EB Arautegian xedatutakoa.

Era berean, deialdi honetara aurkezten diren pertsonak baimena ematen diote Asparreneko Udalari beste organismo publiko batzuetan egiazta ditzan aurkeztutako agirietan emandako datuak.

Araia, 2021eko apirilaren 9a

Alkatea

CONSUELO AUZMENDI JIMÉNEZ